

Forum Competens Quæstionibus ex Universo Jure selectis, atque ad praxin utilissimis illustratum, Seu Tractatus Canonico-Civilis

Friderich, Melchior Ingolstadium, 1709

§. VI. An Clerici teneantur servare Leges Civiles?

urn:nbn:de:hbz:466:1-61662

commune nec consuetudo ijsdem assistit. Imò resistit Trident. sell. 23. c.6. de refor. dum ipsis etiam Clericis minores solum Ordines & beneficium non habentes hoc privilegium non concedit, nisi habitum & tonsuram deferentes alicui Ecclesiæ inserviant, aut in studijs cum licentia Episcopi versentur. Multò igitur minus concedit illis, qui ne tonsuram quidem primam habent. Neque obstat, quòd exemptio à tributis concessa Clericis communicetur etiam ipsorum uxoribus L.2. C.de Ep. & Cler. hoc enim non amplius procedit Jure novo C.un. de Cler. conjug. in 6. & Trident. I. c. ubi Clericis conjugatis folum fori privilegium, & quidem solum in crimina libus, non verò exemptio à tributis conceditur. Neque verum est, quod asserunt, privilegium domino concessium competere omnibus, qui sunt de ejus familia. Ad C. fin. de Offic. Archid. quod hunc in finem allegant, respondi suprà n. 256. Pariter non valet, quod cum Gloss. in C. admonere 8. 33. q. 2. ajunt, quæ marito conceduntur, concedi etiam uxori; & uxorem sequi forum mariti L. cum quædam. ff. de Jurisdict.nam sensus duntaxat est, quòd uxor sequatur domicilium mariti, & gaudeat privilegijs, quæ merè personalia non sunt, uti merè personale est privilegium fori, utpote Clericis solùm ratione Statûs & Ordinis concessium, sicut privilegium canonis, quo uxores & liberos Clericorum non gaudere certum est, & ipli etiam adversarij fatentur. Illud admittendum est, quod dedaratumà S. Congreg. Immun. refert Barbof. L. 1. Jur. Ecclej. c. 39. S. 2. n. 62. Clerici filium legitimum ante clericatum fulceptum gaudere privilegio fori durante vità patris: fiquidem illa declaratio authentice proferatur.

S. VI.

An Clerici teneantur servare Leges Civiles.

SUMMARIUM.

261. Declaratur, ad quas Leges Civiles servandas non obligentur Clerici. Cc 2 262.

H

, W

oft

1 14

cla-

6.9.

2.6.

ara-

un

elt

rer-

de

Cor.

at-

m.

111

an

lar

101

, fi

um

262. Obligantur vi directiva servare illas, que sine expressione personarum de re temporali omnibus communi & ad mutum societatem pertinente disponunt.

263. Tenentur servare solemnitates contractuum, taxam meres

um, modum ponderum ac mensurarum &c.

264. Peccant æque, ac alij, si dictas Leyes non observant.

265. Compelli tamen vel puniri a Magistratu seculari nequeunt.

266. Variæ inde sequelæ deducuntur.

267. Tenentur non vi ipsarum Legum Civilium, sed ex aquitate naturali & voluntate Ecclesia.

268. Statutum seculare in specie disponens de Ecclesiasticis rebusw personis, pracipiendo aut vetando, invalidum est.

269. Hinc invalida sunt non pauca Authentica Justiniani.

270. Et aliorum Principum; nisi auctoritate Ecclesiæ robur acce perint.

271. Statutum seculare, quo onus imponitur, aut juri quasito de rogatur, non afficit Clericos, tametsi de his mentionem un faciat.

272. Tale est, quo imponuntur collecta, aliaque prastationes:

273. Item illud, quo ingredientes Monasterium, aut Clericatum assumentes, aut Moniales in casum extantis masculi, succesione excluduntur.

274. Velbonorum immobilium alienatio in Ecclesiasticos probibetu. Vel, quo pracipitur, ut bona Ecclesia relicta intra certum

tempus vendantur.

275. Vel pæna aligua aut inhabilitas statuitur.

276. Vel gabella detractionis, à transferentibus domicilium all Religionem ingredientibus solvenda, imponitur.

277. Et, quo cavetur, ut res etiam immobiles triennio prasori-

bantur.

278. Nec non illud, vi cujus immissio in possessionem Beneficij Ecclesia ficicum facultate laicorum facienda eft. Exceptiobic ex Concordatis Bavariæ affertur. 279

279. Pariter non valet Statutum laicorum quoad Clericos, quo ad ultimas voluntates aliquid requiritur ultra solemnitates suris communis.

280. Eadem ratio est de Statutis & Pactis privatis Familiarum:

281. Territorialis Jurisdictio laicorum non ligat Clericos.

282. Minus tamen exempti sunt, quam Ecclesia, aliaque causa,

261. Decifajam hæc quæstio videri potest in præcedentibus: cum enim ex hactenus dictis constet, privilegium fori competere Clericis & Ecclefiafticis personis; hoc vero privilegium nihil aliud fit, quam exemptio à jurisdictione seculari, necessario consequens esse videtur, eos non adstringi legibus civilibus seu secularibus, cum obligatio ad istas proveniat à dicta jurisdictione seculari, à qua funt exempti. Nihilominus tanquam certum tenendum est, exemptionem Clericorum non usque eò extendi, ut contra leges quascunque à seculari potestate latas agere licitè & impunè valeant. Ut verò ordine hic procedatur, distinguendumest inter leges Civiles; ad aliquas enim earum servandas clarum est nullatenus adstringi Clericos. Tales I. sunt, quæ de re mere feculari, ac ad Clerum non pertinente feruntur, v.g. quibus ordinantur Judicia fecularia: hæc namque in foro Ecclefiastico non observari necessario, notum est. II: Illæ, quæ de materia & & re Ecclesiastica disponunt, v. g. de Votis, Ordinibus, & Beneficus Ecclesiasticis: has enim ex defectu jurisdictionis nullas esse constabit ex infrà dicendis de Causis Sacris & Ecclesiasticis, ac fuse demonstratur à Suar. L. 4. de Legib c. 11. & L. 4. defenf. Fid. c. 2. III. Illæ, quæ circa personas Clericorum in particulari, etiam in materia folum civili, quin & favorabili, disponunt, uti patet ex C.7. & 10. de Constit. C.ult. de reb. Eccl. alien. Can. bene & segq. dist. 96. ibidémque tenent Panor. Felin. aliíque omnes Canonistæ, Bart. ac alij Legistæ in L. cunctos populos C. de SS. Trin. Ratio cit. C. 10. redditur, quod laicis super Ecclesiis & Ecclesiasticis personis nulla sit attributa facultas, quos obsequendi manet necessitas, non

4階

200

tate

TUE

oca.

de

2000

1271

CE -

tum

all

OVI-

auctoritas imperandi. Quamvis si Statutum sit favorabile Ce. ricis, etiam hos includat, ita ut circa ipfos laici illud observare te neantur, ut cum Bald. Bart. Alexand. Jason. ac alijs bene observat Gaill. L. 2. obf. 32. n. 2. ubin. 3. addit, statutum disponens, resimmobiles non posse alienari in Ecclesiasticas personas, non vale re, eò quòd sit contra privilegium & libertatem Ecclesia per text. Auth. cassa. & C. noverit. de Sent. excomm. Idémque cum Bart. Jason, ac alijs afferit de Statuto simpliciter disponente, ut res immobiles non alienentur in peregrinos: hoc enim non extendi ad Clericos peregrinos. Quod verissimum esse dicitSperelli decis. 10. n. 11. & decis. 100. n. 26. ac plurimos DD, tam ipse, quam Carol. de Grassis de Effect. Cleric. effect. 2. n. 340. allegant. Hinc, ut idem Gaill. I. c. n. 10. & Sperelli cit. decil. 100. n. 22. cum Panor. in repet. C. 10. de Constit. n. 24. 5 42. Felin. Bald. Alex. Parif. ac communi DD. afferunt, Clericus, tametfi agat contra laicum coram Judice laico, non ligatur Statutis laicorum quoad deciforia, tametfi ligetur quoad folemnitates judicij & præparatoria. IV. Illæ, quæ in particulari disponunt de bonis Ecclesiasticis. cit. C. s. & 10. cit. C. ult. & Can. Bene quidem. C. decernimus. de Judic. & cit. dist. 96. tota. V. ac univerlim illæ, quæ funt contra libertatem Ecclesiasticam, & Ecclesiasticas personas judicijs secularibus, ac tributis alisque oneribus subjiciunt. Has enim invalidas esse, inter verè Catholicos in dubium non vocatur, ut benè ait Suar. L. 3. de Legib. 6. 34. n. 2. & constat ex C. si diligenti & C. significasti de For. comp. Trid. sess. 25. c. 20. de Refor. C. non minus & C. adversus de Immun. Eccles. C. noverit de Sent. excomm. C. quanquam de censib. in 6. nisi bona co pacto & conditione data fuerint Ecclesiæ, ut seculari potestati subjecta manerent, aut onere reali jam fuerint affecta, antequam ad Ecclesias pervenirent. Dixi realionere, videlicet dominij, & ratione pacti vel contractus. Nam li tantum vi Jurisdictionis, quâ Principes & Respublicæ exigunt tributa & steuras ex bonis sui territorij, obligata adaliquodonus erant,

erant, cum isto non transeunt ad Ecclesias: quia onus solvendi tributa, quæ ex legis indictione debentur, non tam est reale, quam personale, utpote impositum rebus propter personas, ac idcirco ad Ecclesias & Ecclesiasticos una cum bonis non transit, ut cum Panorm. Felin. Hieron. Alban. ac communi aliorum observant, & docent Gutierez L. 1. Pract. 99. 9. 3. n. 15. Suar. L. 4. Defenf. Fid. c. 20. n. 12. & c. 25. an. 3. Leff. L. 2. de Justit. c. 33. dub. 3. n. 21. Tanner. Defens. Libert. Eccles. c. 13. Laym. L. 4. Theol. Mor. tr. 9. c. 6. n. 4. Ranbek Panopl. Immun. Eccles. disp. 3. c. 4. n, 30. Pesantius tract. de Immun. Eccles. c. 6. Carol. de Grassis de Effect. Cleric. effectu 3. à n. 162. Joan. Beltran. de Guevara in Propugnac. Libert. Eccles. assert. 1.8.6.n. 27. Nicol. Everhard. Sen. confil. 42. à n. 56. Delbene de Immun. Eccles. c. s. dub. 6. n. 7. & dub. 15. n. 36. Comitol. L. 1. Respons. Moral. c. 94. n. 3. Geminian. in C. 1. de Immunit. Ecclef. in 6. n. 9. P. Jacob. Wiestner ad titul. 49. L. 3. Decretal. n. 199. Illsung Theol. Pract. tr. 5. n. 275. S. Dixi tertiò, Sperelli decif. 35. n. 2. ubi ita decisum refert à S. Congregatione Immunitatis. Addunt id procedere, tametsi onus, vi jurisdictionis & propter personas bonis impositum, fuerit stabile ac ordinarium. Nam si extraordinarium sit, & tantum ob certas & speciales necessitates imponi solitum, fatentur omnes, illud cum bonis non transire ad Ecclesias. Porrò in Bavaria collectas & steuras nullas esse ordinarias, afferunt Illust. D. Schmid & Prænob. D. de Bassis Semicent. 2.99. Forenf. contr. 16.n. 5. Idémque de Collectis Imperij afserunt complures Dd. ut videre est apud Rosenthal. de Feud. c. s. conclus. 83. Bocer. de Regal. c. 3. Befold. de Ærario publ. c. s.n. 4. Sepositis itaque dictis Legibus Civilibus, quibus certum est non ligari Clericos, & loquendo de reliquis

262. Dicendum est, legibus civilibus, quægeneraliter seruntur civibus abstrahendo à Clericis vel laicis, & disponunt de re temporali omnibus communi, ac ad eorum mutuam societatem & conformitatem pertinente, obligari Clericos quoad vim di-

recti-

e.

CI

ζ.

2.

rectivam. Hæc affertio contra Anton. Genuensem in praxi i 74. aliósque nonnullos communi confensu recepta est, eámque certissimam dixit Medina apud Suar. l. c.n. 6. ut adeò præcocini mis zelo, & non nisi ex doctrinæ penuria à quodam Theologo reprehensus fuerit Escobar, quod eam tradidit ir. 1. Theol. Moral exam. 1.c. s. n. 34. Ratio est: quia uniformis observatio talium legum est necessaria ad Reipublicæ pacem, servandam in contra-Etibus & negotijs æquitatem, & damnum Principis & aliorum communitatis membrorum evitandum; ut consideranti patebit Et quamvis Hostiens. in C. fin. de solut. Surdus confil. 30 1. n. 31. & 50. Chassan. in consuet. Burgund. rubr. 10. §. 1.n. 2. Valasc. p. 1. de jure emphyt.q. 20.n. 6. Sperelli decis. 123. n. 39. alisque hic distinguant inter leges communes Romanas ac statuta municipalia,& ad illas servandas obligari fateantur Clericos, eò quòdà SS. Canonibus sint approbatæ; non item ad posteriora, utpote à Jure Canonico non approbata, quia eidem incognita: videtur tamenidem de utrisque tenendum, quia ratio allata etiam pro posterioribus pugnat. Nisi statutis municipalibus adimeretur aliqua facultas jure communi concessa, & eorum neglectus speciale allquod & notabile damnum bono communi regionis aut civitatis non inferret. Ex quo Panor. Felin. Imola ac alij apud Laym. ii C. 10. de constit.n. 13. inferunt, non obligari Clericos Statutomunicipali, quo solemnitates aliquæ in ultima voluntate ultra jus commune requiruntur; nec illo, quo statutum est, ut primoge nitus à paterna hæreditate excludat fratres postea natos, obligari cos, qui tempore conditi statuti erant Clerici: de quo mox infra n. 273. 5 279.

263. Ex dictis consequens est I. quòd Clerici teneantur stare statutis certum pretium taxantibus frumento, vino &c. certum valorem monetæ, certum modum ponderibus & mensuris; vetantibus commercia rerum vendibilium aut literarum cum hostibus, aut cum hominibus locorum peste infectorum; certam solemnitatem & formam huic illíve actui vel contractui pratam solemnitatem & formam huic illíve actui pratam solemnitatem & formam huic illíve actui pratam solemnitatem & formam huic illíve actui pratam

scriben-

b

scribentibus, ut docent Suar. cit. L 4. defens. Fid. c. 16. n. 24. Delbene c. 9. dub. 1. n. 33. ac alij. Idémque dicendum videtur (quidquid non pauci contradicant) de statuto frumentum, equos &c. è regione evehi vetante. Quod tamen Sperelli decis. 13. an. 16. bene limitat, aítque non ligari Clericum, fi revera non ob publicam utilitatem statutum esset conditum, sed potius quarundam peculiarium personarum, aut certi generis hominum, ut isti tanto facilius res suas vendere possent, dum alijs id est prohibitum. Aut si extrahendi invehendive facultas à Magistratu laico facilè concedatur; cum ex hoc, ut ait, colligatur, cessare communem necessitatem. Aut si pro usu proprio evehere aliquid vellent. Quòd fi leges civiles aliquem actum irritum redderent, idque in pænam hujusmodi actum ponentium, illå non ligarentur Clerici, ut cum communi tradunt Navarr. confil. 43. de Constitut. n. 5. edit. 2. Suar. 1. c. n. 23. Delbene 1. c. n. 34. quia lex Civilis, ut mox dicetur, non ligat Clericum quoad vim coactivam & pœnam impolitam: talis autem irritatio fit per vim coactivam legis & per modum pœnæ imponitur.

264. Consequens est II. quòd peccent Clerici, si dictas leges non observent: & quidem graviter, si violatio afferat notabile damnum vel bono publico vel alicujus privati. Unde quando Bonacina tr. de Legib. disp. 1.q. 1.p. 6.n. 53. Diana p. 1. tr. 10. resol. 12. Caspensis tom. 1. tr. 31. de Legib. disp. 4. sect. 2.n. 15. Marta de Jurisd. p. 4. cass. 5. alisque existimant, eos aut omnino non, aut non graviter peccare, intelligendi duntaxat sunt de casu, quo notabile illud damnum abest; aut quòd non peccent vi ipsius legis civilis: neque enim dubium est, quòd agant contra jus naturæ, quod obligat ad cavendum damnum & reipublicæ & privatorum.

265. Dixi, Clericos dictis legibus civilibus teneri vi directiva. Teneri etiam vi coactiva seu punitiva, asserit communis Theologorum & Juristarum, si credimus Acatio Velasco, quem refert Moya in appendice ad qq. select.tr. s.q.4. S. 2.n. 1. Sed si loquitur devi coactiva ipsarum legum, quasi ad eas observandas cogi D d

ue

30

al.

1-

m

3

de

11-

0-

a-

is

in

à

6

Clerici à laico Magistratu, & puniri ob non servatas possint, apertè fallitur; neque enim ullum Theologum & forfan necullum lu ristam Catholicum producere poterit, qui id asserat. Namquoad hanc vim coactivam illos non ligari affertio certa est, in qua omno DD. Catholici conveniunt, ut ait Suar. cit. L. 4. c. 16.n. 19. fust eam demonstrans, uti & Delbene l. c. an. 24. ac Sperelli doctifi. mus Eugubij Episcopus decis. 123. an. 6. Ratio patet: quiajuxu dicta n. 22 f. & segg. certum est Catholicis, Clericos esse exemptos à foro seculari: igitur non potest Judex laicus exegui incos dem poenam lege statutam aliamve transgressioni commensura tam, nec cognoscere de eorum delicto, cum non sit Judex eorum competens. Illud libenter admitto, posse Clericos à suo Judice Ecclefiastico ad hujusmodi leges observandas, veladque relam secularium vel proprio motu compelli, & ob transgressionem puniri. Et hoc sensu dicipost, eos etiam vi coactivatenen ad servandas leges Civiles. Ratio est: quia hæctrangressio estalictum contrarium bono communi, exigitque bonum commune, ut puniatur: puniri ergo potest ac debet per aliquam potestatem; non per civilem, ergo per Ecclesiasticam. Non tamen tenentur Prælati Ecclefiastici Clerico transgressori imponere pœnam lege civili statutam, ut notant Covarr. pract. qq. c. 33. in fin. Salzedo in pract. crim. c. 66. Suar. L. 3. de Legib. c. 34. n. 18. cum communi DD. quia lex quoad illam partem, quâ pœnam statut, pertinet ad vim coactivam, quam non habet in Clericos. Neque Judices Ecclefiastici tenentur judicare secundum leges Civiles, sed secundum Canones, & ubi isti desunt, possunt arbitrariam imponere. Quin dicunt nonnulli Juristæ, teste Suar. cit. n. 18. non posse tune Judicem Ecclesiasticum subdito infligere pœnam juris civilis, ne videatur eum judicare more laicorum, & judicio laico contra C. 2. de Judic. Sed neque hoc neque ullo alio canone hujusmodi prohibitio habetur, si eam pœnam corporalem excipias, quam Ecclesia non solet infligere.

266. Ex dictis deducit, & fuse probat Sperelli decif. 124.per

tot. non posse à laicis Clerico prohibita arma ferenti vel venanti ea auferri. Ubi n. 18. affertionem Covarruviæ cit. c. 33. nullam esse dicentis legem Divinam vel humanam, quæ id prohibeat, ait esse essatum tanto viro indignum, Regi per hoc placere vohisse: cuncta potius Jura Divina & humana clamare, Clericos ab omni laicorum superioritate esse exemptos, nec invitis quidquam auferri citra incursum excommunicationis posse. Addens n. 19. contrariam sententiam esse falsam & prorsus improbabilem, quam DD. ovium more unus post alium euntes re non discussa admiserint. Aliud tamen circa arma prohibita in Bavaria receptum est juxta Concordata §. 3. An verò consuetudo per laicos ea auferendivigens in Gallijs, de qua Rebuff. ad leg. armorum v. 1.ff. deV.S. nonrevocata sit per Bullam Cœnæ, judicandum SS. Pontifici relinquint Vasq. disp. 176. c. ult. n. 32. Salas disp. 14. de Leg. sect. 9. n. 108. Salzedo in pract. canon. c. 55. & Palao tr. 3. difp. 1. pun. 24. §. 6. n. 9. Videantur ea, quæ habentur infrà n. 660. in fine. Indidem deducit cum plurimis Delbene c. s. dub. 4. & c. 10. dub. 31. sect. 2. & 3. non posse à laico Magistratu, nisi per Judicem Ecclesiasticum, cogi Clericos ad solvenda ea, quæ eidem debent, nec judicari ratione officij ab ipso commissi, nec puniri etia nin bonis temporalibus, fi in ipfum delinquant, v. g. jurisdictionem laicam aliáve regalia usurpando.

267. Sed & de vi directiva, quâ Clericos adleges civiles servandas obligari dixi, nonnulla quæstio est, unde videlicet illa proveniat, an directè ac immediatè ex ipsa lege seculari, an verò solùm ex voluntate Pontificum aut legenaturali, dictante, membra Reipubicæ membris cohærere, & communium legum vinculo ac civili societate ejusdem incolumitati consulere debere. Solùm vi legis naturalis, & canonum leges illas civiles recipientium, ac etiam quoad Clericos approbantium, eosdem obligari, cum plurimis asserunt Suar. cit. c. 34.à n. 12. Vasq. 1.2. tom. 2. disp. 167. c. 4. n. 29. & Sperelli decis. 12. & 13. & 123. ubi id sussissim probat. Potissimaratio est; quia juxta Jura n. 225.226.

Dd 2

BIBLIOTHEK PADERBORN

ad

fi.

ta

P. 18-

0-

10

0-

T

le,

O;

11-

m

m

10

m

X*

& 228. allegata, laicis nulla in Ecclesias & Ecclesiasticas personas potestas & jurisdictio concessa est: foret autem concessa, eáque magna, si Clericos suis legibus obligare possent, cum hæcpote stas obligandi vel maxime ad jurisdictionem pertineat. Accedit, quòd fi laici Principes fuis legibus obligare Clericos possent, polfent eosdem ob transgressionem etiam punire; quod nullus concedet, ut ait Suar. I. c. n. 12. Potestas enim præcipiendi & obligandi est inessicax sine coactiva, & idcirco utraque est vel re ipla una ac eadem, vel inseparabiliter connexa. Videturque imposfibile, ut ait Vafq. l.c. aliquem esse subditum alteri, esque parete debere jure obedientiæ, & nihilominus non posse ab eo propter transgressionem puniri. Hinc Palao l.c. n. 6. pugnans pro le gum civilium vi directà obligandi Clericos, malè allegat illud Roman. 13. n. 1. Omnis anima potestatibus sublimioribus subditast. Nam præterquam quòd hinc folum fequitur, Clericosalicuipotestati debere esse subjectos, non verò quòd seculari, ut dixi " 223. inferendum inde pariter foret, quod etiam vis coactivalis legibus quoad Clericos inesset, cum omnis anima sublimioripotestati ita subjecta sit, ut ab ea cogi ad præcepta & legespossit, a cogi posse debeat: vim autem coactivam in Clericos nullam junsdictioni seculari inesse certum esse ait ipse Palao 1. c.n. 7. Verum non vacat ulteriùs immorari. Nam semel admisso, uti necessario admitti debet, quod Clerici teneantur servare leges Civiles, nec tamen judicari & puniri ob eas violatas à seculari potestate polfint, parumad praxin refert, quo jure eosdem obligari dicamus.

268. Ex hactenus dictis dux regulx circa Leges Civiles, quibus Clerici non obligantur, statuendx sunt. Prima traditur C. Ecclesia S. Maria 10. & C. qua in Ecclesiarum 7. de Constitut.nec non Can. Benè 1. dist. 96. ést que hæc: Lex vel Statutum Magistratis secularis aliquid in specie disponens de Ecclesiis & Ecclesiasticis rebus vel personis pracipiendo vel vetando, nullam de sevim habet. Et quidem etsi à laicis aliquid statutum suerit, quod Ecclesiarum etiam respiciat commodum & favorem, nullius sirmitatis existit.

niji

nifi ab Ecclefia fuerit approbatum, ut diciturcit. C. 10. & post Joan Andr. Felin. Beroi. ac alios notant Surdus vol. 1. confil. 2. n. 15 & vol. 3. confil. 301. n. 14. & 24. Tusch. V. Ecclesia concl. 13.n. 29. Menoch. vol. 3. confil. 291.n.25. Ratio patet: quia, ut suprà dictum est, Secularibus nulla in Ecclesias, résque ac personas Ecclesiasticas jurisdictio competit. Nulla igitur de illis Statuta & Leges condere possunt, cum ad eas ferendas requiratur jurisdictio. Quæ ratio æquè procedit, si eas ferant in commodum Ecclesiarum, v. g. ut res Ecclesiæ non alienentur sine certis solemnitatibus: neque enim etiam hujusmodi leges ob defectum jurisdictionis Ecclesiasticos obligare de se possiint. Dixi primò, de se has leges nullam vim habere: dubium enim non est, posse obligare accedente auctoritate Ecclesiæ eas vel expressè vel per generalem usum tacitè approbantis. Quod tamen si fit, nihilominus non obligant per se & vi Secularis potestatis, sed Ecclesiastica, à qua approbationem acceperunt, uti significatur cit. C. 10. V. Nisi ab Ecclesia suerit approbatum. Dixi secundò præcipiendo aut vetando. Nam fi Leges seculares merum favorem Ecclesiarum & Clericorum seu privilegium continent, validæ sunt, ita ut à Clericis acceptatæ jus eisdem tribuant, & seculares obligent ad eosdem in illius usu non turbandos. Ratio est: quia qui privilegium concedit, non usurpat sibi jurisdictionem in privilegiatum, uti patet ex eo, quòd etiam extraneis seu non subditis privilegia conceduntur: neque privilegium acceptare cogitur is, cui conceditur.

269. Consequens hinc est, Justiniani I. Imperatoris, qui, ut post Nicephorum 1. 17. c. 31. Evagrium 1. 5. c. 1. & 1. 4. c. 40. Baronium ad annum Christi 563. & 565. ac alios Ecclesiasticæ Historiæ Scriptores loquitur Moreri in Dictionario Historico V. Justinien. I. S. Ces Reglements temerariè se Ecclesiasticis immiscuit, Constitutiones Authenticas, quas Ecclesis, Episcopis, Clecis, Monachis præcipiendo aut vetando statuit, per se ipsas nullam obligandi vim habere. De quo præter alios Jul. Clar S. Em-

Dd 3 teusis.

fo-

ue

te-

01-

11-

di-

pla

01-

ere

ter

le-

0-

fit.

0.

115

0-

ac

15-

m

10

ec

of-

11-

C

ec

6-

if

til

teusis q. 28. n. 6. Bellarm. de Potest. Pontificis contra Barclaiume 34. Gratian. tom. 1. Difcept. forenf. c. 164.n. 12 Beltran. deGuevas ra in Propugnac. Libert. Eccles. p. 2. assert. S. 7. n. 24. Servantus in Defens. Immun. Eccles. propos. 1. Gretserus eod. tr. lib. 2.com sider. 13. Fagnan. de Justit. Censur. Pauli V. p. 4. Neque aucto ritatis quidpiam ijsdem accedit, quòd infertæ funt Decreto Grtiani: hic enim potestatem leges seculares approbandi aut canonizandi nec habuit nec fibi arrogavit. Neque eas approbant & canonizant SS. Pontifices, quod eas in eo decreto tolerant: cum receptum sit apud DD. ea, quæ inserta ibi sunt, non haberem Jorem vim & auctoritatem, quam habuerint, antequam inferrentur; & constat, non pauca ibi contineripartim dubiæ verimtis partim exploratæ falsitatis. Ut adeò ad ferendum de iisdem judicium adeundi sint ipsi fontes, ex quibus sunt hausta. Si tamen ipse SS. Pontifex legem aliquam Civilem in suo rescripto alleget (uti multoties factum est in Decretalibus epistolis) cenfetur eam approbare, & confirmare.

270. Par judicium esto de Caroli M. ac aliorum Regum,qui in volumine Gallicarum Legum nominantur, Constitutionibus, seu, ut vocant, Capitularibus. Nam vel auctoritate SS. Pontificum firmatæ funt, aut robur non habent, uti notant Duvallius de Potest. Pontif. p. 3. q. 2. Gretser. l. c. consider. 11. Guevara 1. c. n. 24. Adde, quod Carolus M. lib. s. Capitularije. 33. 5 34.10 mittit Sacerdotum judicium ad Leonem Pontificem, & lib.7.c.201. res Ecclefiasticas definiendas judicio Episcoporum relinquit,nec Capitula illa nifi per Episcopos in Synodalibus Concilijs facta lunt, uti observant Baron. ad annum Christi 806. Barberius contra M. Fulgent. p. 2. n. 39. 8 70. ac p. 3. n. 29. Tanner. Defenf. Immun. Eccles. lib. 1. c. 9. Moreri in Diction. Histor. V. Capitulaires S. Le Terme Capitulaires. Similiter ad facta Constantini, Theodoli, aliorumque Imperatorum, causis Ecclesiasticorum quandoque se immiscentium, respondendum est, videlicet id eos fecisse vel auctoritate Sedis Apostolicæ, vel facto, non jure. Hinc Constan-

UNIVERSITATS BIBLIOTHEK PADERBORN tinus teste S. Augustino epist. 162. ab Episcopis veniam petist, quòd ad importunas Donatistarum preces in Cæciliani causa se interposuerit, ac Nicolaus I. epist. 2. ad Michaëlem Imperatorem, alique SS. Pontifices, sæpe super hujusmodi Imperatorum ac Regum usurpationibus conquestr sunt. Videri possunt Suar. lib. 4. desens. Fidei c. 11. n. 17. c. 14. n. 21. & c. 30. n. 15. Paul. Donatus Tract. de modo eligendi Ministros Eccles. c. 6. Bellarm, contra Libell. Pauli Servita, Duvall. l. c. p. 4. q. 2. Baron. ad an. Christi 313. Bovius Respons. ad Paulum Servitam p. 4. ad 8. arg. Gretser. l. c. consider. 5. 8. & 13. Rossus Respons. ad Capellum c. 20.21. & 131.

27F. Alteraregulaest, quod leges seculares, tametsi generatim latæfint & fine Clericorum mentione, ad Ecclefias, perfonas ac res Ecclesiasticas se non extendunt, si per se ex proprio objedo, onas feu gravamen imponunt, aut juri quæsito derogant. lta Bartol. in L. cunctos populos C. de summ. Trinit. q. 5. n. 28. Panorm. Felin. Imol. acreliqui Interpretes in cit. C. 10. de Constitut. Silvest. V. Lex q. 15. Gaill. L. 2. observat. 32. Gutierez Lib. 4. Pract. 99.0.38.n. s. Covarr. c. 8. Pract. qq. n. s. ubi ait, communi omnum suffragio receptum hoc esse. Rationem dant paulò antè allatam: quia nulla laicis in Clericos jurisdictio competit. Alijs verbis, eodem tamen fenfu, hanc regulam tradit Bartolus in Auth. Cassa C. de Sacros. Eccles. & in L. 1. S. Qua bonoranda ff. Quar. rer. actionon detur, dicens, Leges Civiles, per quas Clerici timidiores funt, contra libertatem Ecclesiasticam esse, ac idcirco eosdem non ligare: tametsi tales leges de ipsis Clericis non loquantur. Quam doctrinam communiter sequuntur Canonista in C. Noverit desent. Excomm. præcipuè Panorm. & Felin. ac in C. ult. de Immunit. Eccles. in 6. Quid autem sit, Clericos timidiores reddi, rede sic explicaveris cum Suar. lib. 4. Defens. Fid. c. 22.n. 16. Quotiescunque per Legem, Statutum, aut Mandatum secularium Clericiprivanturillis rebus aut juribus, quæ Jure Naturali, Gentium, vel Civili, communia sunt civibus, aut iisdem concessa sunt privilegio,

ILIS

071-

to-

ra-

III-

Ca-

IM

118-

oto

n-

1W

15,

ti-

ara

re-

25.

lec

nt,

M.

IH;

rel

111-

vilegio, non tantùm Divino aut Ecclesiastico, sed etiam secularium Principum acMagistratuum, tunc gravantur contra Ecclesiasticam libertatem, & sic dicuntur fieri timidiores, quia hujusmodi gravamina dehonestant, & ignobilem ac despectum reddunt statum Ecclesiasticorum, eos videlicet deprimendo ad statum laicorum & subditorum, ac propterea eorum animos deijciunt, aliosque à statu illo nobiliore amplectendo avertunt; sicut è contrasio favores & privilegia Clericis concessa eorum statum cohonestant, ipsósque excitant ad sua officia erga sidelem populum alacrius & accuratius exhibenda, plurésque alios ad statum Clericalem & Religiosum provocant. Quæ explicatio conformis est ijs, quæ tradunt Joan. Andr. ac alij incit. C. ult. de Immun. Eccles. in 6. Panorm. lib. 1. consil. 26. 83. Felin. in C. Noverit. de sent. Excomm. in 6.

tar

75

T

ri possint, expedit afferri in medium exempla quorumdam statutorum & legum Civilium, quæ pugnant contra libertatem Ecclesiasticam. Ubi tamen protestor, me non generatim loqui, sed excipere casum necessitatis, privilegia Principum, & Concordata. Itaque tale I. est Statutum vel Mandatum, quo Ecclesiasticis personis indicuntur collectæ, angariæ & parangariæ, seu onus præbendorum equorum, vehiculorum, navium &c. similésque præstationes, contra privilegia & immunitates utroque Jure is dem concessas, videlicet C. Non minus 4. & C. Adversus 7. de Immun. Eccles. C. 3. eod. in 6. C. quemquam 4. de Censib. in 6. Auth. Casa C. de SS. Eccles. L. 1. & Auth. Item nulla C. de Episc. & Cleric.

II. Statutum, quo ingredientes Religionem, aut Clericatum assumentes, à successione excluduntur. cit. Auth. Cassa & L. Deo nobis. 56. C. de Episc. & Cleric. Bartol. in L. fin. C. de Pact. n. 6. Felin. in C. Prasentia de Probat. n. 38. Socin. Sen. vol. 1. consil. 81. n. 5. & consil. 241. n. 5. ac communis DD. teste Gaillio L. 2. observ. 32. n. 4. Estque etiam judicio Camera Imperialis hoc Statutum pronuntiatum invalidum, uti refert Auctor Decis. Cameral.

Cameral. V. Successio. Eadem est ratio de Statuto, quo excluduntur ingredientes Monasterium seu Moniales à successione extante masculo, aut certa pars dotis addicitur marito uxore Religionem ingrediente. Bart. I.c. Bald. in cit. L. 56. Paul. Castr. in L. squis id st. de Jurisdict. Felin. in C. 10. de Constitut. n. 78. cum Anchar Panorm. ac alijs. Valeret tamen, & Moniales afficeret, sin genere ac simpliciter disponeret, seminam non debere succedere extante mare. Socin. cit. Consil. 81. & susè Felin. 1. c. n. 79. cum Panorm. Anchar. Joan. Andr. Lap. Paul. Castr.

274. III. Statutum disponens, resimmobiles non posse alienari in Ecclesiasticas personas, juxta Bald. Bart. Jason. ac alios, quos refert Gaillius I.c. n. 3. aliósque innumeros, quos adducit Delbene p. 1. de Immun. Eccles. c. 8. dub. 11. 6 12. Item Statutum, quo disponitur, res immobiles non possealienari in forenses seu extraneos & non subditos: si nomine extraneorum intelligantur etiam Clerici. Et quidem hujusmodi Statuto non comprehendi Ecclefiasticas personas, tradunt Gaillius 1. c. ac alij, præeunte Bartolo in L. Dudum 14. C. de Contrab. empt. n. 1. & in L. Filiusfam. S. Dixi ff. de Legat. 1. Jason. in L. ut inter Divinum C. de SS. Eccles. n. 30. ubi allegat Baid. Panorm. ac Ant. de Butr. Felin. in cit C. 10. de Constitut. n. 89. ubi dicit esse communem. Cavenda tamen hic est æquivocatio. Cùm enim dicitur, tali Statuto non comprehendi Ecclefiasticos, sensus duntaxat est, eo non obstante posse vendi Clericis, quamvis respectu Magistratus Secularis sint extranei, quia non sunt sub ejus jurisdictione. Obligari verò Clericos non vendere extraneis, quando venditio hujusmodi & alienatio cederet in notabile damnum regionis, in qua bona possident, sequitur ex dictis n. 262. Pariter invalidum estStatutum, quo præcipitur, ut bona Ecclesiæ relicta intra certum tempus vendantur. C. 1. de Immun. Eccles.in 6. C. Qua in Ecclesiarum de Constit. C. cum laicis de reb. Eccles. alien. Hostiens. in C. fin. de reb. Eccles. alien.n 5. Archidiac.in C. Romana de Appellat. in 6. n. 13. Joan. Andr. in C. fin. de Immun. Eccles. n. 6. Panorm.

ta-

)8-

ra-

m.

6.

m

III,

)[-

ti-

118

ue

71-

ffa

m

)eo

6.

in C. Relatum de Testam. n. 5. Ancharan. consil. 61. n. 2. & consil. 155. n.6. per text. cit. C. 1. Nec etiamliceat (laicis) ipsas Ecclesia: vel personas ad distrabendum vel alienandum, aut extra manum suam ponendum, acquisita jam, vel quæ deinceps acquirent, aliquatenus coaretare.

275. IV. Statutum, quo poena aliqua vel quæcunqueinha bilitas decernitur. v. g. fi cautum fit, ut filij ex illegitimo thoro geniti intestabiles existant & eorum bona post mortem adsecularem fiscum devolvantur. Neque enim hujusmodi lege compre hendi possunt Clerici & Religiosi, cum poenalis sit & coactiva, & lex Principis laici inducere nequeat inhabilitatem in Ecclesian & Ecclesiasticos, utpote ipsi non subditos. arg. L. 1. §. fm. f. li Tutor. & Cur. & L. Pupillorum ff. eod. Quod non tantum verum est de bonis ex quacunque causa acquisitis post susceptum Clercatum (hæc enim nec per se nec ratione personæ possidentis se culari Magistratui subjecta sunt) sed etiam de bonis ante Clerica tum acquisitis. Nam cum bona illegitime nati non sint persex realialiquo vinculo obligata fisco, sed solum per accidens, & ratione personæ, si hæc manet laica & potestati seculari subjecta usque mortem, consequens est, quod exempta persona etiam bona fiant exempta; præsertim in isto casu, cum Statutum istudetfectum suum non consequatur ante mortem illegime nati. Hins illa regula, quam post Joan. Andr. Caldas, ac alios, tradit Fella in C. 10. de Constitut. n. 101. illis legibus affici etiam Clericos, que effectum fuum consequuntur ante Clericatum, qualis v.g. estilla, quæ præfert primogenitum in hæreditate exclusis alijs fratibus; hæc enim cum jus statim tribuat primogenito adversus fratres natu minores, his nocet, tameth Clericatum postea fulcipiant: non verò illis, quæ suum effectum consequerentur primum post susceptum Clericatum.

276. V. Statutum, quo decernitur, ut fiquis incolarum mutato domicilio cum bonis suis aliò abeat, partem aliquam certam seu gabellam detractionis (de qua suprà n. 122.) fiscoalicomi

UNIVERSITÄTS BIBLIOTHEK PADERBORN comunitati folvere cogatur. Hujusmodi enim Statuto laico non comprehendi bona Ecclesiasticorum, ob defectum potestatis statuendi de illis in præjudicium Ecclesiarum & Ecclesiasticarum personarum, patet ex C. fin. de reb. Eccles. alien. & præter alios fuse oftendit Panorm. in repetit. ad cit. C. 10. de Constitut. n. 38. & 39. Idem dicendum est de Statuto, quo disponitur, ut si quis subditorum filiam aut filium Religionem ingressurum dotauerit, partem inde detrahere Magistratui liceat: aut ut aliquid detrahere liceat pro publica v.g. fabrica ex pijs legatis aut donationibus. Felin. 1.c.n. 94. post Anton. Joan. Andr. Panorm. Speculat. Hostiens. ac alios: addens cum eodem Hostiensi, non valeretale Statutum, tametsi consuetudine approbatum sit, cum C. 1.de Consuet. reprobentur consuetudines, qua Ecclesijs gravamen mducere dignoscuntur. Neque obstat, utidem Felinus advertit, quod ejusmodi pars detracta pio usui deputetur: quia non est unum altare discoperiendum, ut vestiatur alterum. C. cum cau-Jam 36. de Præbend. A fortiori Statutum, ut fiquis incolarum vità excedat, aliqua pars bonorum ejus loci domino cedat, respectu Clericorum injustum est, & ipso Jure irritum, ac Ecclesiastica libertati penitus repugnans, ut patet ex dictis & per se notum est.

277. VI. Statutum, quo disponitur, ut res immobiles æquè ac mobiles triennij spatio usucapiantur. Nam respectu bonorum Ecclesia & Clericorum irritum est, uti agnovit, & conclusit etiam Camera Imperialis, teste Gaillio L. 2. observ. 32. prin. Idque per regulam, ut idem Gaill. ait, quòd Statuta laicorum non ligent Clericos, cium sint contra libertatem Ecclesiasticam, per text. Auth. Cassa C. de SS. Eccles. & Bartol. ibi, Cyn. ac communem DD. text. notab. in C. Ecclesia S. Maria de Constitut.

278. VII. Statutum, quo cavetur, ne quis possessionem alicujus Ecclesiæ vel Beneficij sine facultate Principis, vel suorum Ministrorum, apprehendat. Est enim multis modis contra Immunitatem Ecclesiasticam, ut loquitur & probat Felin. in cit. C.

Ee 2

TO

ua.

ha-

OIC

112-

ic-

l, a

am c.de

um

cri-

le-

1C2-

10-

ona ef-

line

dia

til-

tri-

rsus ful-

pri-

un

cer-

tu

10. Idem tradunt Panorm. confil. 83. Marta de Jurisdict. p.4.cent.1. eafu 46. n. 8. & 14. Duard. in Bullam Cana Lib. 2. q. 15. n. 59. Ugoli. n. in eand. Bull. p. 2. c. 13. Pefantius de Immun. Ecccl. disp. 10. Bal. dellus tom. 1. lib. 5. difp. 36.n. 14. Alterius tom. 1. de Cenfur. lib. 5. difp. 16.c. s. 6 6. ac alij communiter. In Bavaria tamen, juxta Concorda tainter Serenissimos Duces & Reverendissimos Ordinarios aucto ritate Apostolica 5. Sept. anno 1583. inita, ubi per Ecclesiasticam Personam (verba sunt Recessus §. IV.) ex Episcopi delegatione, Beneficiatus in possessionem inducitur, Præfectus loci Secularisal. hibetur (quod vulgariter ben Ginfat vocant) ut Principis loco alsensum temporalis administrationis, sicut hactenus consuevit, prastet. Ad quam rem ex Regimine cujuscunque loci permissionis le teras (ben Possess-Brieff) Beneficiati requirent. Quod tamen locum non habet quoad Vicarios Parochiarum & Beneficiorum Monasterijs ac Collegijs incorporatorum, uti speciali Decretoanno 1613. Sereniss. Dux ac postea Elector Maximilianus, ac ipa hactenus praxis declaravit. Similiter ibidem §. 11. quoad electiones Prælatorum receptum est, ut mors Prælati utrique Magistratui, Seculari & Ecclefiaftico, nuntietur, qui inter se conveniant de die electioni constituenda. Et electionis tractatui intersint Ducales Commissarij; non tamen ipsi electioni, nisi in Compromissarios aut Scrutatores assumantur. Quod si electio Canonicè processerit, & electus statim confirmandus est, Principis nomine qui adfunt, electioni facta assensum præstent. Si verò Confirmatio ex intervallo petenda est, confirmandus approbationis feu affensûs literas Ducales secum ferat. Nec vacanti Monasterio detur administrator sine Ordinarij consensu. Quam exceptionem à comunibus regulis de Immunitate Ecclesiastica exempli tantum causa afferendam duxi ex privilegijs Principum & consuetudinibus auctoritate Ecclesiastica approbatis: de quibus dum specialis non fit mentio, non idcirco per assertiones & regulas generales eisdem præjudicatur.

279. VIII. Statutum, quo solemnitates in testamento ultra

jus commune requiruntur, v.g. ut testamentum non valeat, nisi adhibiti fint ofto testes, aut intra sex menses Magistratui exhibitum fuerit. Non enim eo tenentur Clerici, quia talibus statutis per Canones non approbatis, adimitur eis facultas testandi secundum Jus commune, sicut aliàs testari possent. Simili de causa irrita est Lex Illud 19. C. de SS. Eccles. & L. Sancimus C. de de Donat. quibus statuitur, ut absque infinuationenon valeat donatio ultra 500. folidos etiam in piam causam facta.

280. Quod modò dictum est de Legibus & Statutis publicis, idem fere dicendum est de privatis, videl. de pactis familiarum. Sicpactum, quo unius familiæagnati inter se cum secularis Principis approbatione pacifcuntur, ut nemo, etiam ex fuis hæredibus, absque aliorum de familia confenfu, notabile quidpiam donare aut legare possit &c. pactum, inquam, hujusmodi firmum quidem erit quoad causas profanas, ac ipsas etiam Clericorum personas, si ijs donatio aut legatum non intuitu Ecclesiæ siat. Non autem valebit in præjudicium Ecclesiæ; sive, non eò se extendit, ut neque Ecclesijs alissque pijs causis quispiam ex bonis proprijs absque reliquorum confenfu donare aut legare possit. Quanquam, uti notat Laym. in C. 10. de Constitut. n. 16. S. Cæterium li quis bonis suis, de quibus liberam disponendi facultatem habet, vinculum apponat per fideicommissium, ut alienari extra familiam non possint, sed semper sint v. g. penes primogenitum seu majorem natu in familia, id omnino observandum est, ita ut alienatio neque in Ecclesiarum favorem fieri possit.

381. Ex hactenus dictis consequens est, quod pro constringendis Lege aliqua, vel Statuto, vel Mandato Potestatis Secularis Clericis, malè pro ratione afferatur Jurisdictio territorialis Magistratui Civili competens, cum notissimum sit ex Juribus tam Civilibus quam Canonicis, quæ adduxi p. 1. c. 3. per tot. & apud omnes DD. receptum, jurisdictionem territorialem non nili ad subditas personas & res porrigi, cujusmodi respectu laicorum non funtres & personæ Ecclesiasticæ. Multominus Ma-

giltra-



lif).

da-

to-

am

ne,

as-

1-

ra-

11-

en

ım

an-

pfa

10-

ra-

de

Ju-

10-

ni-

10-

11-

gistratus secularis gratiæ suæ amissionem aut pænam Clericissis Statuti transgressoribus adjicere & comminari potest: cùm hujusmodi Statuta & mandata Ecclesiasticæ libertati nimis aperte repugnent, atque à pietate & consuetudine Catholicorum Principum aliena sint, ut loquitur Laym. I.c. S. Adhuc verò graviu,

& patet ex dictis n. 165.

282. Illud tamen in præsenti materia concedendumest, majorem favorem & exemptionem à Legibus Civilibus competere ipsis Ecclesijs & causis pijs, quam Clericis singulis & in particulari: quia causa publica favorabilior est, quam privata, & causa Ecclesiarum magis propinquè & immediate ad Dei cultum refertur. Hincetsi Leges Cæsareæ, quibus v. g. irrita redditurdonatio ultra 500. folidos absque infinuatione, vim habeant quoad privatas personas Ecclesiasticas, uti docent Panorm. in C. Quol Clericis. 9. de Foro comp.n. 26. Felin. in C. 10. de Constitut. n. 82. alisque: non tamen eam habent respectu Ecclesiæ, alteriusve caufæ piæ, v. g. si pauperibus aut Xenodochio siat donatio. Parter etsi juxta Panorm. in repet. ad cit. C. 10. n. 45. ac alios, ipsamque praxim, irrita habeantur in Romano Imperio testamenta Clericorum informia seu sine debitis solemnitatibus facta, acsimiliter irrita sint respectu eorum, quæ per illa Clericis relicta sunt: respectu tamen eorum, quæ ad causas pias relinquuntur, valent; quia causa animæ & causa Dei, quæ hic proximè agi censetur, adeò favorabilis est, ut nullà constitutione Civili restringi debeat supra Jus Naturæ ac Gentium. Glossa in C. Cum esses 10. de Testam. V. Improbamus, Panorm. in cit. 10. de Constit n. 36. Felin. ibid. n. 83. & communis DD.

S. VII.

Utrum Clerici ligentur Consuetudinibus Laiçorum. SUMMARIUM.

283. Status quastionis explicatur.

